



JABATAN PERKHIDMATAN VETERINAR MALAYSIA

LAPORAN LIPUTAN MEDIA

19 November 2019

1. Rampas Daging babi seludup; Harian Metro
2. MAQIS rampas daging kerbau India RM 3.5 juta; Berita Harian
3. Maqis seizes 7, 953kg of imported pork products; New straits Times

OLEH:

**SEKSYEN KOMUNIKASI KORPORAT DAN ANTARABANGSA
BAHAGIAN PERANCANGAN
JABATAN PERKHIDMATAN VETERINAR MALAYSIA**

MEDIA CETAK		MEDIA ELEKTRONIK	
☐ BERITA HARIAN	☐ THE MALAY MAIL	☐ BERITA HARIAN	☐ THE MALAY MAIL
☐ UTUSAN MALAYSIA	☐ THE STAR	☐ UTUSAN MALAYSIA	☐ THE STAR
☐ SINAR HARIAN	☐ KOSMO	☐ SINAR HARIAN	☐ KOSMO
☒ HARIAN METRO	☐ NEW STRAITS TIMES	☐ HARIAN METRO	☐ NEW STRAIT TIME
☐ THE SUN	☐ SUNDAY STAR	☐ THE SUN	
RUANGAN : Tengah		RUANGAN :	
PERKARA			
☐ DASAR JABATAN	☐ IMPORT EKSPORT	☐ SISTEM KUALITI	☐ PELBAGAI
☐ KESIHATAN AWAM	☐ KAWALAN PENYAKIT	☒ PENGUATKUASAAN	
☐ KEBAJIKAN HAIWAN	☐ TEKNOLOGI VETERINAR	☐ ADUAN	
TARIKH 19.11.2019			

Rampas daging babi diseludup

Pelabuhan Klang: Jabatan Perkhidmatan Kuarantin dan Pemeriksaan Malaysia (Maqis) berjaya mematahkan cubaan mengimport produk babi dari loji penyembelihan yang tidak diiktiraf ke negara ini.

Produk yang diimport secara haram dari Amerika Syarikat itu dirampas melalui operasi pada jam 11 pagi, 6 November lalu di pintu masuk Pelabuhan Klang Barat, di sini.

Pengarah Maqis Selangor Dr Tarmis Alamin berkata, dalam serbuan berkenaan, pihaknya menyita barangan dagangan itu yang dianggarkan seberat 7,952 kilogram (kg).

"Dalam serbuan yang diketuai Pegawai Penguatkuasa Maqis, kita merampas daging babi yang bernilai keseluruhannya RM412,560.

"Hanya produk babi diimport dari loji yang sah saja dibenarkan masuk ke Malaysia bagi memastikan keselamatan makanan dan industri di dalam negara lebih terjamin," katanya dalam kenyataan media, semalam.

Beliau berkata, Maqis sentiasa teliti dalam menjalankan pemeriksaan bagi memastikan setiap kemasukan dagangan ke dalam Malaysia adalah selamat dan berkualiti selain biosekuriti makanan dikawal dengan ketat.



MAQIS berjaya mematahkan cubaan mengimport produk babi dari loji penyembelihan yang tidak diiktiraf pada 6 November lalu.

MEDIA CETAK		MEDIA ELEKTRONIK	
☒ BERITA HARIAN	☐ THE MALAY MAIL	☐ BERITA HARIAN	☐ THE MALAY MAIL
☐ UTUSAN MALAYSIA	☐ THE STAR	☐ UTUSAN MALAYSIA	☐ THE STAR
☐ SINAR HARIAN	☐ KOSMO	☐ SINAR HARIAN	☐ KOSMO
☐ HARIAN METRO	☐ NEW STRAITS TIMES	☐ HARIAN METRO	☐ NEW STRAIT TIME
☐ THE SUN	☐ SUNDAY STAR	☐ THE SUN	
RUANGAN : Nasional		RUANGAN :	
Muka Surat 42			
PERKARA			
☐ DASAR JABATAN	☐ IMPORT EKSPORT	☐ SISTEM KUALITI	☐ PELBAGAI
☐ KESIHATAN AWAM	☐ KAWALAN PENYAKIT	☒ PENGUATKUASAAN	
☐ KEBAJIKAN HAIWAN	☐ TEKNOLOGI VETERINAR	☐ ADUAN	
TARIKH			
19.11.2019			

MAQIS rampas daging kerbau India RM3.5 juta

Logo halal pada bungkus bukan daripada JAKIM

Oleh Siti Sofia Md Nasir dan Syaherah Mustafa
bhnews@bh.com.my

Butterworth: Jabatan Perkhidmatan Kuarantin dan Pemeriksaan Malaysia (MAQIS) Pulau Pinang, merampas 10 kontena daging kerbau dari India bernilai RM3.5 juta yang cuba dibawa masuk melalui Pengkalan Kontena Butterworth Utara (NBCT) di sini, baru-baru ini.

Pengarah MAQIS Pulau Pinang, Zarina Ramli, berkata semua kontena daging kerbau yang tidak mematuhi syarat permit import itu, cuba dibawa masuk secara berperingkat sejak 22 Oktober sehingga 14 November lalu.

Beliau berkata, semakan pihaknya mendapati logo halal yang digunakan pada pembungkusan dalaman dan luaran produk daging adalah berbeza, malah ia bukan logo daripada institusi yang diiktiraf Jabatan Kemajuan Islam Malaysia (JAKIM).

"Hasil pemeriksaan yang dilakukan mendapati terdapat 10 kontena yang dihantar dari dua syarikat berpangkalan di India.

"Jumlah berat dagangan keseluruhan daging kerbau sejuk beku sebanyak 13,991 kotak itu, dianggarkan 279.9 tan dengan nilai RM3.5 juta," katanya dalam kenyataan, semalam.

Jelas beliau, MAQIS Pulau Pi-



Penguat kuasa MAQIS melakukan pemeriksaan di Kompleks Kastam, Imigresen, Kuarantin dan Keselamatan di Rantau Panjang, kelmarin.
(Foto Ihsan MAQIS Kelantan)

nang mengeluarkan kompaun terhadap kedua-dua syarikat itu, selain peringatan atas kesalahan mengimport tanpa mematuhi syarat import yang sah.

"Kes disiasat mengikut Seksyen 15(1), Akta Perkhidmatan Kuarantin dan Pemeriksaan Malaysia 2011 [Akta 728] yang boleh dikenakan tindakan mengikut Seksyen 15(2) akta sama.

"Jika sabit kesalahan, boleh didenda tidak melebihi RM100,000 atau dipenjarakan selama tempoh tidak melebihi enam tahun atau kedua-duanya," katanya.

Sementara itu di Rantau Panjang, Kelantan, MAQIS merampas 1,400 kilogram (kg) sayur dan buah-buahan serta 200kg daging tanpa dokumen sah di Kompleks Kastam, Imigresen, Kuarantin dan Keselamatan (ICQS) di sini,

kelmarin.

Pengarah MAQIS Kelantan, Mohd Azam Yahya, berkata dalam operasi pada jam 6 pagi itu, 15 anggotanya memeriksa 200 kenderaan di laluan masuk ICQS, sebelum merampas barangan bernilai RM6,000 yang dibawa masuk dari Thailand, dipercayai untuk pasaran tempatan.

"Semua hasil pertanian ini dirampas kerana tidak mempunyai sebarang dokumen sah, seperti permit import dikeluarkan oleh MAQIS dan sijil fitosanitasi dari negara asal.

"Tindakan mengimport sebarang jenis keluaran pertanian tanpa permit import sah adalah satu kesalahan mengikut Seksyen 11(1) Akta Perkhidmatan Kuarantin dan Pemeriksaan Malaysia 2011 (Akta 728) yang boleh

dikenakan hukuman mengikut Seksyen 11(3) akta sama.

"Jika sabit kesalahan, boleh didenda tidak melebihi RM100,000 atau dipenjarakan selama tempoh tidak lebih enam tahun atau kedua-duanya sekali," katanya.

Di Shah Alam, Selangor, BER-NAMA melaporkan MAQIS Selangor merampas 7,952.51kg produk babi import dianggarkan bernilai RM412,560 dalam satu pemeriksaan di pintu masuk Pelabuhan Klang Barat, dekat sini, pada 6 November lalu.

Pengarahnya, Dr Tarmis Ali-min, berkata rampasan sekitar jam 11.30 pagi oleh sepasukan pegawai penguatkuasa MAQIS itu dikesan diimport dari pusat penyembelihan di Amerika Syarikat (AS), yang tidak diiktiraf Jabatan Perkhidmatan Veterinar Malaysia.

"Kapal yang membawa kontena itu memang datang dari AS dan syarikat pengimport produk itu ada mengisytiharkan mengenai barangan dagangan itu, namun pemeriksaan lanjut mendapati barangan itu dikeluarkan oleh loji tidak diiktiraf oleh negara ini.

"Siasatan ke atas wakil syarikat yang berpangkalan di Kuala Lumpur itu mendapati, mereka mengatakan tidak mengetahui yang loji penyembelihan itu tidak diiktiraf oleh jabatan terbabit," katanya dalam satu kenyataan, semalam.

Menurut Tarmis, kesalahan di bawah Seksyen 15(1) Akta Perkhidmatan Kuarantin Dan Pemeriksaan Malaysia 2011 (Akta 728) itu, boleh didenda sehingga RM100,000 atau penjara tidak lebih enam tahun atau kedua-duanya sekali, jika sabit kesalahan.

MEDIA CETAK		MEDIA ELEKTRONIK	
☐ BERITA HARIAN	☐ THE MALAY MAIL	☐ BERITA HARIAN	☐ THE MALAY MAIL
☐ UTUSAN MALAYSIA	☐ THE STAR	☐ UTUSAN MALAYSIA	☐ THE STAR
☐ SINAR HARIAN	☐ KOSMO	☐ SINAR HARIAN	☐ KOSMO
☐ HARIAN METRO	☒ NEW STRAITS TIMES	☐ HARIAN METRO	☐ NEW STRAIT TIME
☐ THE SUN	☐ SUNDAY STAR	☐ THE SUN	
RUANGAN : News Muka Surat 10		RUANGAN :	
PERKARA			
☐ DASAR JABATAN	☐ IMPORT EKSPORT	☐ SISTEM KUALITI	☐ PELBAGAI
☐ KESIHATAN AWAM	☐ KAWALAN PENYAKIT	☒ PENGUATKUASAAN	
☐ KEBAJIKAN HAIWAN	☐ TEKNOLOGI VETERINAR	☐ ADUAN	
TARIKH			
19.11.2019			

Maqis seizes 7,953kg of imported pork products

SHAH ALAM: The Selangor Malaysian Quarantine and Inspection Services (Maqis) seized 7,952.51kg of imported pork products valued at RM412,560 at West Klang Port on Nov 6 after it was found that the products were imported from a slaughtering plant in the United States not recognised by the Malaysian Veterinary Services Department. "Investigation on the representative of the Kuala Lumpur-based company found that they were unaware that the slaughtering plant was not recognised by the department," Maqis director, Dr Tarmisal Alimin, said in a statement yesterday. Importing pork products from unrecognised slaughtering plants is chargeable under Section 15 (1) of the Malaysia Quarantine and Inspection Services Act 2011 (Act 728). **Bernama**